

U P F G Y G E - H E R M I  
Z 1929 I

Mel.: Z'Basel an mim Rhy

Will alli ihr sind cho,  
Ganz zümpftig freut's mi jo  
I ha samt mim Instrument  
G'wiss vo Herze an Euch denkt  
Achtung : Jetzt goht's los !  
Still si : ganz famos !

- 1 ) S'schmuse in d'r Hardt,  
Stadt und Land so zart.  
Schmecke an-enand wie d'Hind  
Ob au beidi fruchbar sind.  
D'Mitgift unbedingt  
Schwer no Schulde stinkt !
- 2 ) D'Turner guehne schwer,  
D'Waggisperron-leer.  
Schnäll wird g'spielt drum blindi Kueh,  
Fihrt sie em bad'sche Bahnhof zue.  
Hindeumme fahre  
Däne stehn doch d'Naare.
- 3 ) S'Pfiffli, das het g'nutzt,  
Wie dä Gauner stutzt.  
D'Husfrau hebt em s'Roehr entgäge:  
D'händ hoch ! wenn ihr no wän läte,  
Statt in d'Hose g'macht  
D'Magt und Madam lacht.
- 4 ) Si liege bi-ne-nand,  
Fir's Renne kai Verstand.  
Windhund und elektrisch Has;  
Zuschauer lache d'Hose nass.  
Kommission verrückt !  
Sich vom Schauplatz druckt .
- 5 ) Zwai Partee, Politik,  
Die schpeie ihre Schigg  
Kekelhaft - enand in 's G'sicht.  
Achtig schient s nit nötig isch.  
Burg und Bläsitor :  
Gliche sich uff's Hoor .
- 6 ) D'Polizei, es isch e Gruus,  
Nimmt d'Vogelcheft us,  
Teil's mit Fädere, teil's mit Glatze.  
D'Wybli mache dummi Fratze.  
Grad verkehrt isch 's doch:  
Das me si fiehrt in 's Loch.
- 7 ) Kai Hirsch isch's und kai Kueh.  
Mir hän scho Rindvieh g'nue.  
S'isch jetzt bald die hechsti Zyt:-  
Dass e Kinschtler-Pissoir git.  
Wo dä Quatsch ablauft,  
Dä als Kunscht wird tauft.
- 8 ) Armi Männerwält.  
Mit dir isch's trurig b'stellt.  
D'Saffa mit de Bubihoor:  
Haut dir elend über's Ohr.  
Ainzig nur im Bett,  
Jedä s'Rächt no hett.
- 9 ) Kino und Kokain.  
S'Volk suecht sich e G'winn.  
Fir si Liebi und fir's G'micht:  
Ohni Gift d'r Reiz nit zieht.  
Si isch nimme wit:  
D'Adam -, d' 'Eva-zyt.
- 10) S'wird jedä Polizischt:  
Wenn er füler isch als Misch.  
Taufschyn us dä Klostermure:  
Bi d'r Priefig, g'heit nit dure.  
Merk't's d'r Häuptlig nit ?  
S'wär die hechsti Zyt.